

ԲԱՆԱՏԵՂԵԱԿԱՆ

ՅԻՇԻՐ, ՄԵՌՆՈՒՄ ԵՍ ԱՊՐԵԼՈՒ ՀԱՄԱՐ

Յիշի՛ր, զինուորն Ես Օրհնեալ Յիսուսի,
 Նրա անունից համարձակ խօսիր,
 Որ Տէր Յիսուսը կեանքն է ամենի,
 Որ Տէր Յիսուսը թանկ է ամենից,
 Որ նրանից ջոկ ապրելը զուր է,
 Որ նրա խօսքը ամենագոր է:
 Որ Յիսուսով է կեանքը խղցրանում,
 Արհամարհուածը՝ կամաց բարձրանում,
 Որ մեղաւորը դառնում է արդար,
 Ապրում Յիսուսով՝ յաւերժ, դարեդար:
 Էլ ի՞նչ Ես մահին նայում սարսափով
 Կամ էլ վախենում ահ ու տագնապով.
 Զէ՞ որ կանչուել Ես հենց դրա համար
 Եւ դու մեռնում Ես... ապրելու համար:

Տես, մահի թելով սարսափն է սուրում,
 Բայց մահից այն կողմն դըրախտն է բուրում,
 Մարմին-պատեանից ելիր ու գնա,
 Դըրախտի զմրուխտ պարտէզում մնա:
 Կը տեսնես այնտեղ հըրեշտակներին,
 Կը տեսնես այնտեղ Տիրոջդ փառաց,
 Սիրոյ կանթեղը՝ Իր ձեռքում վառած:
 Այնտեղ կ'իմանաս արժէքը խաչի,
 Արձագանքները ախ ու հառաչի:
 Կը տեսնես նաեւ Փրկչիդ վերքերը:
 Որ պիտի պատմեն Յիսուսիդ սէրը:
 Եւ արժէ մեռնել այդ սիրոյ համար,
 Բայց մենք մեռնում ենք... ապրելու համար:

ՄԻՇԱ ՍՎԱՐԵԱՆ